


REVISTA SITUASAUN JUÑU – JULU 2012

**ASUNTU NE'EBÉ PRESIZA
ATENSAUN IHA FULAN IDA NE'E:**


- Violensia relacionadu ho Eleisaun Parlamentária
- Disputa Rai

ASUNTU NE'EBÉ PRESIZA ATENSAUN

Total Insidentes ne'ebé relata



Analiza dados insidenti as uiton tanba liga ho atividade eleisaun. Bele hetan relatoriu insidenti iha www.belun.crowdmap.com



PROESU ELEISAUN PARLAMENTÁRIA

Lalaok Eleisaun Parlamentária

Proesu eleisaun parlamentária, situsau jeral lao diak, dame no livre ba eleitor sira, hodi ejerse sira nia direitu Polítika hodi ba hili kandidatura partidu Polítika sira atu representapovu, ba Parlamentu Nasionál no Lideransa sira atu lidera Governu. Susesu Eleisaun 2012, tanba hetan apoiu makas husi STAE, CNE ba ejerse funksion ne'ebé diak ba iha prosesu tomak, no kooperasaun intituissau hotu liu-liu PNTL, no apoiu hosi UNPOL hodi fó siguransa maximu iha terenu. Maske nune'e partisipasaun hosi eleitor iha eleisaun menus uitoan bainhira hare dadus husi STAE, eleitor ne'ebé rezistu hamutuk 645,624, maibé partisipasaun eleitor iha de'it 482,792 (74.78 %) no eleitor ne'ebé la ba vota hamutuk 162,832 (25,22%). Partidu Polítika ne'ebé partisipa iha kampaña 26, maibé partidu 18 lao mesak no partidu 3 halo koaligasaun. Rezultadu eleisaun parlamentáriu ofisial proklama hosi Tribunal rekursu katak hosi partidu 21, partidu 4 maka liu 3% maka hanesan partidu CNRT ho votus 172,831 (36,66%), FRETILIN ho total votus 140,786 (29.87%), PD ho total votus 48,851 (10.31%), no FRETI-MUDANSA ho votus 14,648 (3.11 %). Maské nune'e partidu 4 ne'e laiha partidu ida atinji 50 % hodi ukun governu mesak. Tanba ne'e partidu CNRT ne'ebé ho votus barak realiza kongresu no disidi halo koaligasaun ho Partidu PD no FRETI-MUDANSA hodi forma V Governu Konstitusional periodu 2012-2017, ho estrutura V governu hamutuk 55 ofisial simu tomada de posse hosi Exelensia Prezidenti da Republika iha dia 8 de Agostu 2012. No membru Parlamentu Nasionál simu tomada de Posse hosi Ex.Prezidenti Parlamentu iha dia 30 de Julu. Entertantu partidu 16 seluk lakonsege liu 3%, tanba ne'e partidu 16 labele iha reprezentante ba iha Parlamentu Nasionál. Maske nune'e, Partidu 16 ne'e simu rezultadu eleisaun ne'ebé fó sai hosi Tribunal Rekursu, maske antes ne'e Partidu KHUNTO halo reklamasau ba Tribunal Rekursu hodi konta fali buletin de votus, maibé Tribunal Rekursu foti desizaun katak laiha baze legal atu konta fali buletin de votus.



DESIZAUN INSTITUISAUN KOMPETENSIA BA PARTIDU POLÍTIKA

Antes tama ba loron kampaña Partidu Polítika sira hatama lista kandidatura Partidu Polítika nian hodi rezistu ofisial iha CNE hodi partisipa iha kampaña. Mumentu ne'ebá partidu ASDT iha versaun Señor João Coreia no Señor Gil Alves. Partidu UNDERTIM iha versaun Prezidente Cornélu Gama ho versaun Fransisco Guterres rezistu hotu iha CNE atu partisipa iha kampaña. Bainhira Partidu ASDT rezistu iha CNE, CNE konsedera lista kandidatura versaun Señor Gil Alves, maibé hein desizaun Tribunal Rekursu. Maibé antes saudozu Fransisco Xavier Prezidente ASDT mate, Tribunal Rekursu rekuifese señor Gil Alves nudar Sekretariu Geral Partidu, la'ós Señor João Correia. Entersante




INSIDENTES VIOLÉNSIA IHA KAMPAÑA ELEISAUN PARLAMENÁRIA 4 JUÑU – 4 JULLU 2012

ho rezultadu Kongresu extraordináriu iha Aileu, Tribunal Rekursu foti fali desizaun daruak katak Partidu ASDT versaun Señor João Correia mak iha legalidade. Kontráriu ho Partidu UNDERTIM maske realiza ona kongresu extraordinariu hodi restrutura ba estrutura partidu maibé Tribunal Rekursu la rekoñese rezultadu kongresu Partidu UNDERTIM, hodi foti desizaun katak partidu UNDERTIM la bele hatama lista rua, maibé tenke uniku lista ne'ebé akumulá lista hosi versaun rua hotu. Analiza hosi Belun katak desizaun ne'ebé ás liu mak desizaun hosi Tribunal Rekursu, nune'e tenke simu desizaun ne'e, maibé sai perguntas ou konfuzau iha publiku mak desizaun Tribunal mak kontra versoens, fo impaktu ba kredibilidade Tribunal Rekursu.

DINAMIKA KONFLITU TUR TEMPU IHA PROESU ELEISAUN

Dinamika konfliktu iha periodu kampaña skalasaun violénsia la bo'ot, maibé iha dia 15-20 Jullu skalasaun violénsia makas bainhira relasionadu ho rezultadu kongresu Partidu CNRT fo impaktu ba hamosu asaun spontanitas hosi grupu balu halo asaun violénsia.

Insidente Violensia Tur Periodu Eleisaun



Governu fó apoiu osamentu \$20,000 ba kada partidu hodi hala'ó kampaña hahu dia 4 de juñu – 4 de Jullu 2012, Partidu Política sira tama sai Distritu, Subdistritu, orma Governu. Maibé, refleta ba deklarasaun lider Partidu Política PDP (Partidu Dezenvolvemntu Popular) katak **“Vota ba PDP hanesan vota ba CNRT”**. Nune'e mós deklarasaun lider Partidu Demokratiku Liberal (PDL), FrentiMudansa hato'ó katak **“Sei fó votus ba Sr. Kai Rala Xanana Gusmão atu kontinua xefia governu foun mai”**. Se nune'e perguntas kona-ba administrasaun fundus governu nusa la involve hamutuk iha partidu ida nune'e la bele fó impaktu mal administrasaun ba apoiu osamentu \$20.000.

Parte seluk, observasaun iha kampaña lideransa Partidu Politiku balu hato'ó lia fuan la provokativu ba apoiante sira hanesan iha Subdistritu Lacluta (Viqueuqe) katak **“Lalika vota ba Partidu CNRT se vota ba CNRT hanesan vota ba Otonomista”**. Lia fuan hanesan ne'e, signifika hamate ema nia liberdade ou direitu hodi partisipa iha Política. Nu ne'e mós ho lian fuan la edukativu fasil atu intepreta lia fuan sira ne'e hodi hamosu insidente violénsia ne'ebé impaktu to'ó ema kanek, uma hetan sunu no estraga propriedade.

Rezultadu monitorizasaun kampaña dia 4 de Juñu – 4 de Jullu relata insidente violénsia 16 no Krime Eleitorál 12. Ho tipu violénsia hanesan iha tabela. Maioria insidente akontese iha fatin publiku 10, uma 5, sentru votasaun 1. Inklui Crimi Eleitorál 12 akontese hotu iha fatin publiku. Entertantu insidente sira akontese entre apoiante partidu. Maske nune'e autor oin-oin prevene skalasaun violénsia la sai bo'ot. Resposta hosi PNTL 16 : Lider Partidu Política 5; F-FDTL 1; Lider Komunitaria 1; Inan Aman 1 no laiha resposta 4. Impaktu hosi insidente violénsia 16 mane kanek 5; estraga propriedade 4; Ahi han motor 1; ahi han Uma 1.

Tipu Violénsia	Subdistritu	Total
Asalta Fisiku	Suai (1); Maubara (1); Viqueuqe (1)	3
Estraga Propriedade	Zumalai (1); Aileu (1)	2
Hateten Malu ho Lia Fuan	Maubara (1), Uatukerbau (1), Lautem (1), Laga (1)	4
Baku malu entre ema nain rua	Bazartete (1), Nitibi (1)	2
Tuda Fatuk	Viqueuqe (2), Bobonaru (1), Baucau (1)	4
Sunu Uma	Viqueuqe (1)	1
Linguajen provokativu	Suai (2), Aileu (1), Lacluta (1); Maliana (1)	5
Les panfletu	Suai (1); Dom Aleixo (3); Liquica (1), Maliana (1); Ainaru (1)	7

INSIDENTES VIOLÉNSIA LORON ELEISAUN 7 DE JULLU

Iha loron eleisaun laiha insidente violénsia ne'ebé skalasaun violénsia makas, maske relata iha insidente 5 iha loron eleisaun ho tipu violénsia diskuti malu ho lia fuan 4 ne'ebé akontese iha sentru votasaun Bebonuk (Dili); Subdistritu Lospalos (lautem); Baucau Vila (Baucau) no Manatutu. Asalta fisiku 1 resulta observador Partidu Republikanu mane 1 hetan kanek iha inus tanba hetan baku hosi joven mane nain 4 iha Subdistritu Uatulari (Viqueuqe). Insidente 5 ne'e akontese entre Poling staff ho fiskais, Komandador Polisia ho Kórdenador Partidu FRETILIN, eleitor ho Poling staff no eleitor mane nainrua. Asaun resposta Polisia 3; Poling Staff 1; Laiha resposta 1.

IREGULARIDADE IHA PROSESU ELEISAUN

Maske iha ona regulamentu ba regula prosesu eleisaun, maibénafatin akontese iregularidade ne'ebé Belun detekta, kataklaosdeiteleitoresiramakontra regulamentu, maibé Poling Staff, eleitor, fiskais inklui polisia mós hola parte kontra regulamentu ne'e. Iregularidade iha prosesu eleisaun Belun relata hamutuk 19. Hanesan akontese iha faze Verifikasaun Buletin de Votus, iha dia 28-29 de Juñu iha Distritu Lautem STAE la fó autorizasaun ba fiskais no observador hodi tama ba fatin ne'ebé halo verifikasaun ba Buletin devotus hodi observa direta, ho razaun fatin klot. Iregularidade balu liga ho servisu Poling Staff no Polisia, hanesan iha dia 6 de Jullu 2012, iha sentru Votasaun Sede Suku Bauro Subdistritu Lospalos (Lautem): iha oras 17.00 lokraik Brigada husi STAE no Polisia ne'ebé fó seguransa urnas iha sentru votasaun joga karta no taru osan iha sentru votasaun laran nune'e mós akontese iha sentru votasaun Eskola Nino Konis Santana (Lautem) joga karta de'it no lataru osan. Iha Sentru Votasaun Sede Suku Bairo Pite (Dili) iha oras 11.00 loron, votante laiha ona, poling staff sira nahe kaixa kabina de votu ne'ebé la uza iha semente hodi toba no goza malu. La konsentra hodi fó asegura ba urnas.

Liga ho prezensa eleitor no fiskais iha sentru votasaun, iha Sentru Subdistritu Baguia (Baucau) iha sentru votasaun numeru 78 Eskola Primaria Katolika, militante Partidu FRETILIN uza kamizola supervisor partidu no kartaun identidade partidu, ne'ebé laiha kartaun akreditasaun hosi STAE tur hamutuk ho fiskais sai hanesan observador no halo asaun protesta ba bulletin devotus livru 14 ne'ebé iha sinal foer ho tinta hodi hola parte asina deklarsaun hodi kontinua uza bulletin de votus ne'ebé foer tanba Buletin

REVISTA SITUASAUN: Juñu-Jullu 2012



Edifisio STAE Distritu Lautem, iha 28 - 29 Juñu, Verifikasaun de Boletin de Votus. STAE la fó autorizasaun ba fiskais atu observa direta iha laran, maibe husi liur deit.

devotus iha Distritu laiha ona. No mós akontese eleitor balu hatais kamizola partidu hodi ba sentru votasaun hanesan akontese iha sentru votasaun Eskola Finantil Comoro (Dili); Eskola primaria Binibu Pune (Oecusse) no Eskola Finantil Comoro (Dili). Maske nune'e Polisia halo asaun hodi haruka eleitor ne'e ba troka tiha hafoin fila hodi tuir vota. Iregularidade seluk iha prosesu kontagen de votus dekteta: Iha sentru Votasaun Sede Suku Bairo Pite (Dili) iha fiskais balu ba kaer hotu bulletin de votus; Iha Sentru Votasaun Eskola Primaria no 1 (Aileu) bulletin de votus ida antes hare laiha vistu nune'e tau tiha karimbu kanselado hafoin hare fali katak iha vistu, maibé fiskais konsedera ne'e lavale tanba iha ona karimbu kanseladu. No iha Subdistritu Bazartete (Liquica) identifika bulletin de votus ida ne'ebé la'ós orijinal no laiha karimbu STAE. Parte seluk iha Prosesu Apuramentu Distritu, iha Distritu Baucau, ekipa STAE la fó kopia akta rezultadu apuramentu Distritu ba Fiskais hosi Partidu FRETILIN nune'e Partidu FRETILIN halo reklamasaun ofisial ba CNE.

INSIDENTE DEPOIS DE ELEISAUN 8-30 JULLU 2012

Depois de eleisaun iha dia 7 de Jullu, bainhira fó sai rezultadu eleisaun provezoriu hosiTVTL, iha dia 8 de Jullu ema deskuñesidu sunu uma 3 iha Viqueuqe iha tempu hanesan no iha dia 9 - 14 de Jullu laiha insidente violénsia ne'ebé akontese.

Maibé iha dia 15 de Jullu, antes kalan, Prezidente Tribunal Rekursu Proklama Rezultadu Eleisaun, iha loron bainhira Partidu CNRT hala'o Kongresu extra ordenariu, partisipantes kongresu balu koalía linguajen ne'ebé provokativu fó impaktu hamosu insidente violénsia spontanitas reasaun difisil atu kontrola situasaun ne'ebé resulta ema mate, uma ema sunu, Uma Estraga, kareta barak vidru rahun no familia balu halai ba hela provezoriu iha ailaran.

Insidente ne'ebé fó impaktu to'o ema mate akontese iha Subdistritu Hera (Dili). Fontes informasaun ne'ebé diferente, parte balu dehan matebian lori fatuk tuda Polisia nune'e Polisia duni tuir



Eskola Esinu Baziku no. 3, Lulira, Lautem ne'ebe hetan sunu iha 27 Jullu 2012

REVISTA SITUASAUN: Juñu-Jullu 2012

to'o uma laran, parte seluk dehan matebian hein hela kareta dirasaun Hera ba Dili, no matebian foin hakat ba uma derepente Polisia duni matebian to'o uma laran no baku mate bian to'o hetan ran hafoin dada sai ba sae kareta no tiru matebian mate kedas. Refleta ba insidente ne'e, los duni knar Polisia hodi mentein lei no orden ,relasionadu deklarasaun Komandante Geral PNTL katak jero toleransia ba kriminozu sira ne'ebé hakarak halo instabilidade iha rai laran (15 Jullu 2012, RTTL). Maibé atusaun ne'e rasik la tuir dalan prosesu formál hodi halo atusaun ho volensia hodi hamate ema. Atusaun ne'e konsedera kontra Direitus Humanus ema nian. Entertantu insidente ne'e rasik Polisia halo ona prosesu investigasaun hodi fó sansaun disiplinár ba elementus Polisia ne'ebé halo atusaun ho violénsia hodi hein prosesu formál ne'ebé hahu halo ona.

Relasaun ho ema sunu uma relata insidente 8. Hosi insidente 8, 1 impaktu to'o ema mate, ne'ebé akontese iha Distritu Viqueque, bainhira operador Pertamina Boarala ensi hela mina ba motor, derepente ahi han iha

Impaktu	Subdistritu	Total
Uma ahi han hotu	Vikeke (6); Osu (1); Uatulari (1), Lospalos (1); cristu Rei (3);	12
Uma estgara	Uatulari (3); Lospalos (1); Vemasse (1); Nain feto (1);	6
Refujiadu	Uatulari (1)	1
Mane ida mate	Cristu Rei (1)	1
Kareta vidru rahun hotu	Nain feto (10); Cristu Rei (1); Dom Aleixo (1);	12
Mane Kanek	Cristu Rei (1), Nain Feto (1)	2

pertamina laran fatin tau tanke mina nian, nune'e operador halai ba hodi taka tanke mina, maibé operador labele sai ona tanba ahi han makas ona halo operador ne'e ahi han hotu. Insidente 7, inklui eskola 1, Sede Aldeia 1 ahi han hamutuk fasilidade iha uma laran hotu, halo uma nain hela provezoriu hamutuk ho vizifiu no mós alunus labele eskola no izame. Relata mos insidente 7 inklui Stasaun Polisia 1, Postu Polisi 1 estraga tanba tuda ho fatuk. Insidente seluk mak ema tuda kareta halo vidru rahun relata insidente hamutuk 12. Entertantu tuir Belun nia dadus ne'ebé akontese depois de eleisaun, Polisia to'o kedas fatin akontesementu, hodi halo atusaun, maibé lakonsege kaptura ema tanba ema halai lakon, maske nune'e Polisia kontinua halo prosesu investigasaun hodi halo prosesu formál.

INSIDENTES FULAN JUÑU-JULLU LAIHA LIGASAUN HO ELEISAUN

Involvementu Autor Siguransa iha konfliktu

Komparasaun numéru insidente involvementu Polisia iha violénsia fulan Abril – Jullu (3-3-2-3) laiha mudansa signifkante bainhira halo atusaun ho violénsia. Nune'e mós elementus balu bainhira pasa feiras ou latama serbisu nafatin hatais farda no involve iha violénsia. Hosi insidente 2 iha Juñu relata iha Subdistritu Dom Aleixo (Dili) ho tipu violénsia asalta fisiku hodi baku estudante ne'ebé hein kareta iha Estrada. No iha Baucau Vila (Baucau) elementu polisia BOP mane ida ho motor tula alin feto ida ba uma, bainhira fila to'o iha dalan grupu joven balu baku elementus Polisia BOP ne'e, hodi halo reasaun lori pistola tiru grupu joven sira ne'e rezulta mane nain 3, nain 1 hetan kanek iha liman no 2 kanek iha ulun parte kotuk maibé insidente ne'e rezistu ona iha Ministériu Publiku Baucau. Entertantu iha Jullu elementus F-FDTL mane 2 baku joven mane 1 servisu iha loza Mutiara-Gleno (Ermera) to inus ran, nune'e joven mane ne'e reasaun hasoru lori katana atu taa elementu F-FDTL ne'e, maibé elementus F-FDTL ne'e halai kedas ba Quartel no foti kilat atu ba tiru joven mane refere. Maibé hetan atusaun mediata hosi Polisia, Komandante F-FDTL no Unidade Polisia Task-Fórce. Iha Subdistritu Bazartete (Liquica) elementus F-FDTL ida hatais farda duni joven mane ida hosi mota to'o joven ne'e nia uma no hasai Baioneta (tudik) atu sona, maibé joven mane ne'e halai tiha. Akontese mós iha Aileu, Komandante Estasaun Subdistritu Aileu inkui Polisia Unidade Task-Fórce ne'ebé halo atusaun ba disputa rai halo asaun violénsia hodi tebe disputante.

Violénsia relasionadu entre Juventude

Komparasaun numéru involvementu juventude iha konfliktu iha mudansa positivu bainhira kompara numeru insidente Períodu Janeiru – Jullu, (17-18-19-31-12-6-0). Mudansa positivu ne'e bele nota hosi insidente 5(Juñu) tun ba 0 (Jullu), hanesan indikador katak karik joven barak konsentra ba atividade kampaña. Interessante Distritu Oecusse livre hosi konfliktu liga ba joven durante periodu Janeiru-Jullu, hanesan sasukat katak joven barak sai hosi Distritu mai Dili hodi eskola, kursu no buka servisu.

Hosi Insidente 6 iha Juñu, insidente 3 ho tipu violénsia hahu hosi ema rua hafoin involve grupu iha insidente hanesan ne'ebé akontese iha Subdistritu Laulara (Aileu), Liquiça no Manatutu. Insidente 2 baku malu entre ema nain rua. Insidente akontese iha fatin Publiku 2; Eskola 2; Festa 1 no merkadu 1.

Maske insidente sira la rezulta ema kanek, maibé insidente 2 iha Subdistritu Laulara fó impaktu Diretór Eskola foti dezisaun hodi taka eskola Sekundaria provezoria durante semana 1 hafoin loka fali. Tanba estudante mane 1 involve mós iha insidente ne'e no prevene grupu sira baku malu iha eskola. Entertantu Polisia resposta ba insidente 2, Padre Parokia 1, familia 1 no 1 laiha resposta. Hosi insidente 6, insidente 1 parte rua dame malu kedas, 2 rezistu iha Ministeriu Publiku, 2 sei iha proseu investigasaun.

Numero Insidente Liga Ba Juventude		
Distritu	Insidente Jan-Jullu 2012	Mudansa
Oecusse	0-0-0-0-0-0-0	Positivu
Lautem	0-0-0-1-0-0-0	Positivu
Covalima	0-0-0-1-0-0-0	Positivu
Viqueque	4-1-0-2-1-0-0	Positivu
Ainaru	1-2-0-0-0-0-0	Positivu
Manufahi	3-0-0-0-0-0-0	Positivu
Baucau	0-0-0-1-1-0-0	Positivu
Manatutu	0-0-0-1-1-0-0	Positivu
Aileu	1-1-0-1-1-2-1	Hanesan
Liquica	0-0-2-0-2-1-1	Hanesan
Dili	4-7-8-12-3-0-0	Positivu
Bobonaru	4-7-8-12-3-0-0	Positivu
Ermera	0-0-1-0-0-2-0	tun

Insidente liga ho konsumu Tua Manas

Rezultadu monitorizasaun relata tipu violénsia ne'ebé akontese iha periodu Janeiru-Maiu nafatin relata iha Juñu-Jullu. Maske mudansa ba numeru insidente hosi fulan ba fulan hanesan periodu Janeiru-Jullu (13-9-2-13-10-3-4). Insidente 7 hosi Juñu-Jullu ho tipu ema rua baku malu 2; Grupu baku ema ida 1; Hateten malu ho lian fuan 1; Tuda fatuk 1; Estraga Propriedade 1; Asalta fisiku 1. Maibé insidente 1 iha Juñu ho metodu lori katana akontese iha

Subdistritu Bazartete (Liquica) rezulta mane 1 kanek iha ulun no iha Jullu iha Distritu Covalima rezulta mane ida oin bubu hotu. Hosi insidente 7 akontese iha merkadu 2; Festa 2; Futu Manu fatin 2; Uma 1. Maske nune'e hetan resposta hosi Polisia 3; Familia 2; Xefe Juventude 1; Laiha resposta 1. Entertantu insidente 4 dame malu kedas, no 2 rezistu iha Ministeriu publiku.

Involvementu Estudante iha Violénsia

Laiha mudansa bo'ot violénsia entre estudante durante periodu Maiu-Jullu (3-3-2). Motivu hosi Insidente iha Juñu-Jullu tanba namora 1; Odio malu 1; Goza malu 1 no insidente 1 ne'ebe akontese iha Maubisse (Ainaru) tanba medisina mane ida ho feto ida ba basar iha merkadu, joven mane ida lao ses malu isin kona de'it medisina feto ne'e, nune'e medisina mane ne'e halo asaun hodi baku joven mane ne'e rezulta ran sai hosi ibun. Maioria fatin akontesemntu iha dalan 3; Eskola 1 no merkadu 1. Entertantu Polisia resposta ba insidente 2, Diretór Eskola 1; no insidente 1 laiha resposta hosi parte ruma. Maske nune'e hosi insidente 5, insidente 1 iha Baucau parte rua dame malu kedas.

Disputa Rai

Rai hanesan parte moris hosi ema idak-idak, atu horik-ba no kuda aihan lor-loron nian atu sustenta ekonomia uma laran. Tanba ne'e disputa rai bele fó impaktu to ema mate. Iha Juñu relata insidente 2, iha Liquica no Ermera. Iha Distritu Ermera, Joven mane ida ta'a mate katuas ida. Insidente ne'e rezistu ona iha Ministériu Publiku. Entertantu iha Jullu relata insidente 3, iha Distritu Aileu 1 no Ainaru 2. Insidente 1 iha Ainaro fó impaktu mane 1 hetan ran sai hosi inus no ibun. Hosi total insidente 5 iha Juñu-Jullu, akontese iha uma 4. dalan 1. No insidente 2 feto mak hola parte iha violénsia. Entertantu asaun resposta hosi Polisi 4, laiha resposta 1 no insidente 1 parte rua dame malu kedas.

Tensaun Konfliktu iha Fronteira

Tensaun konfliktu iha fronteira liga ho baliza bele fó impaktu ba comunidade ne'ebé hela besik iha fronteira Indonesia, bainhira seidauk iha desizaun ba baliza rai iha fronteira. Maske Timor-Leste hari konstrusaun iha area ne'ebé tuir Timor-Leste katak area ne'e pertensia Timor-Leste nian, maibé Indonesia seidauk konsedera. Nune'e iha Jullu relata iha Subdistritu Passabe (Oecusse), TNI (Tentara Nasional Indonesia) inklui comunidade balu hosi Suku Haumeni Ana (Indonesia) halo amiasa ho lian fuan no tuda fatuk ba Kompania IGE, ne'ebé halo konstrusaun edifisiu Alfandega. Entertantu Embaixador Indonesia ba Timor-Leste hasoru ona ho Prezidente da Republika Demokratika Timor-Leste hodi koalio [konabakona-ba](#) situasaun iha Fronteira. Maske nune'e, Suara Timor Loro Sae 4 de Agostu, Diretór Interinu Asuntu Bilateral Ministeriu Negosio Estranjeiru, haktuir katak, ho empedementu ne'e, sujere atu labele halo lai konstrusaun, tanba situsaun seidauk normal. Tanba komuidade sira hosi parte ne'ebá reazen makas ba atividade ne'e.

Insidente liga ba Atividade Relijiaun

Insidente liga ho atividade relijiaun, nafatin akontese hosi fulan ba fulan maske ho numeru kiik, maibé bele fó impkatu hodi hamosu violénsia nafatin bainhira Parlamentu Nasional no Ministériu Justisa rasik seidauk halo dekretu lei ba regula atividade relijiaun. Relata insidente Janeiru Bobonaru (1); Abril Aileu (1); Maiu Dili (1) no Jullu akontese iha Ainaru rezulta mane 1 hosi Igreja Visão Cristão ran sai hosi ulun no inus tanba baku hosi mane nain 4 hosi Igreja Katolika ho razaun mane ne'e halo influensa ba familia balu atu muda relijiaun hosi Katolik ba Visão Cristão. Maske nune'e insidente ne'e resposta kedas hosi familia parte rua no relasaun diak malu fali.

Involvementu Lideransa Komunitária iha Violénsia

Maské maioria Lideransa komuniária aktivamente fó intervensaun ba insidente ne'ebé akontese, maibé intervensaun balu mós ho dalan violénsia tanba comunidade rasik la obedese orientasaun hosi lideransa suku. Hanesan insidente iha Distritu Lautem, Xefe Suku Maina II basa no tuku membru CPD-RDTL feto ida, tanba grupu CPD-RDTL halo aktividade marsa ou formatura iha suku Maina II durante loron tolu sein kuinhesimentu hosi Xefe Suku. Entertantu iha Suku Ililai, Subdistritu Lautem, (Lautem), Joven mane 1 foti katana duni Xefe Suku Ililai to Xefe Suku nia uma, tanba Xefe Suku fó atesnsaun ba joven sira labele hemu tua iha estrada Maske nune'e insidente 2 ne'e Polisia halo ona prosesu investigasaun.

Crimi Seluk

Maske iha redusaun numeru insidente crimi seluk hosi 20 (Maiu) tun ba 17 (Juñu-Jullu), maibé hosi crime 17, crimi 2 rezulta to'o ema mate, ne'ebé akontese iha Subdistritu Maliana (Bobonaru) mane ida lori tudik sona mane 1 hanesan elemntus F-FDTL iha parte hirus matan no kabun rezulta mate kedas. No iha Subdistritu Ossu (Viqueuque) ema deskuñesidu baku mane ida to'o mate kedas. Insidente ne'ebé rezulta ema mane kanek relata : 5 hosi Distritu Dili 3, Aileu 1 no Baucau 1. Tipu violénsia ne'ebé komun Asalta fisiku 6; Sunu uma 2; sona ema mate 1; ema deskuñesidu baku mane ida 1; Ema nain rua baku malu 1; no hateteten malu ho lia fuan 2; Grup u baku malu 1.

RESPONDE BA KONFLITU

Eventu Nasionál Harii Dame

Durante Juñu-Jullu NGO Belun faselita Treinamentu Transformasaun Konfliktu iha Distritu Liquiça ba Rede Prevensaun no Responde ba Konfliktu (RPRK) Bazartete Maubara, RPRK Alas, Fatuberlihu (Manufahi), RPRK Nitibe, Pante Makasar (Oecusse), Muro (Lautem), Laleia (Manatu). No mos RPRK Ermera Koopera ho Igreja faselita Treinamentu ba Kablehan (siguransa sivil) hodi halo monitorizasaun ba aplikasaun Lei Tara Bandu. Nune'e mós RPRK Hatulia sosializa lei Tara Bandu ba comunidade sira.



Trainamentu RPRK, iha Nitibe, Oecusse, 24 Jullu 2012



Trainamentu RPRK, iha Pante Makasar, Oecusse, 30 Jullu 2012

KONA-BA REVISTA SITUASAUN NE'E

Revista situasaun ne'e relata kona-ba asuntu xave relasiona ho insidente violénsia no tendensia husi koleksaun dados monitorizasaun liu husi sistema Atensaun no Responde Sedu Timor-Leste durante Juñu-Jullu 2012. Belun esforsu atu fahe informasaun ne'ebé up-to-date no serteza. Hanoin katak situasaun bele hetan mudansa ho lalais, ami agradese no simu informasaun seluk ne'ebé bele klarifika ka update data ne'ebé ami iha liu husi AtReS. Favor email AtReS nia Program Manager Bylah Da Costa: bylah.belun@gmail.com. Imajen © Lourenco Adelaida no Zito da Cunha, Belun, Juñu 2012.

REKOMENDASAUN

STAE

- Mudansa ba edukasaun votante sira ho implementa antes fulan ne'en, nune'e eleitores sira bele hatene kona-ba prosesu partisipa iha eleisaun;
- Presiza tau atensaun ba hadia kualidade Buletin de votus;
- Hadia ba sistema monta modelu kabina de votus atu aseguara segredu hosi votante;
- Fó orientasaun másimu ba Polling staff atu halo servisu ho profesionál liutan.

CNE

- Lei Numeru 5/2006, fó kompetensia ba CNE atu hala'o kna'ar, no aprova regulamentu, no regulamentu sira iha kb'it atu CNE foti medidas ba aktus ne'ebé Partidu Polítika sira halo.
- Hametin koordinasaun no komunikasaun entre CNE no STAE no hahú implementa edukasaun sivika no edukasaun votantes sedu, la hein besik loron eleisaun.
- Follow up ho kordena entidades tomak ba keica ne'ebé simu ba insidentes violensia eleitoral durante periodu eleisaun ba Ministeriu Publiku hodi aseguara no hametin prosesu justisa iha rai laran.

REVISTA SITUASAUN: Juñu-Jullu 2012

- Aumenta orsamentu atu halo edukasaun sivika kontinuasaun to'o iha nivel suku no aldeia no fo tempu naton atu fasilita antes hahú periodu kampaña

Parlamentu Nasionál

- Alterasaun ba Lei Eleitoral artigu 40 no 41 atu ne'e bele kria sistema kondusivu hodi eleitor sira bele vota iha ne'ebé de'it.

Ministériu Publiku no Tribunal

- Dudu prosesu investigasaun ba insidente violénsia ne'ebé akontese durante prosesu eleisaun

Partidu Polítika

- Lideransa Partidu Polítika sira presiza uza linguajen ne'ebé edukativu no foku ba programa eleitoral la'ós asuntu pesoal iha tempu kampaña atu labele hamosu violénsia;
- Partidu Polítiku ivita halo publikasaun ka transmisun direita ba diskusaun internál partidu bainhira seidak iha konkluzun finál ba rezultadu desizaun Polítika;
- Lideransa partidu Polítika halo edukasaun politika no edukasaun sivika ba militante sira bele komprende kona-ba prinsipiun toleransia bainhira halo atusaun ba insidente la'ós ho dalan violénsia, maibé tuir prosesu formál.

Polisia Nasionál Timor-Leste

- Prevene no atusaun ba insidente labele uza dalan violénsia fó impaktu to'o ema kanek no mate, presiza tuir lei formál no protesun Direitus Umanus nomos politika seguransa ne'ebé hatur iha lei organiku;
- Presiza banati no kumpri kode konduta hanesan labele joga karta no taru osan bainhira halo kna'ar atu fó aseguara ba materiál sensitivu hanesan urnas iha sentru votasaun.

Media

- Media sira labele fó sai stementu hosi lider Polítika sira ne'ebé uza linguajen provokativu ne'ebé bele konsidera hamosu tensaun.